



CONCELLO DE REDONDELA

## CONVENIO DO CONCELLO DE REDONDELA COA ASOCIACIÓN ÉRGUETE, PREVENCIÓN E INTERVENCIÓN EN CONDUTAS ADITIVAS

En Redondela, a 19 de decembro de 2024

### REUNIDOS

Dunha parte a Alcaldesa do Ilmo. Concello de Redondela, dona Digna Rosa Rivas Gómez, na representación que ostenta en virtude dos artigos 21.1 b) da Lei 7/85, de 2 de abril, Reguladora das Bases de Réxime Local.

Doutra, Dona Carmen Avendaño Otero con DNI 35956947N que ostenta a representación da Asociación Érguete prevención e intervención en condutas aditivas, e con CIF G36642726, e enderezo na Avda. Martínez Garrido, 21 interior. 36205 Vigo, correo electrónico [direccion@asociacionerguete.org](mailto:direccion@asociacionerguete.org), cuxa representación manifesta neste acto.

Ambos recoñécense capacidade, representación e poder suficiente para subscribir o presente convenio, polo que a tal efecto.

### EXPOÑEN

PRIMEIRO.- Que o Concello de Redondela ten competencia en materia de actuacións na promoción da igualdade entre homes e mulleres así como contra a violencia de xénero; todo elo segundo establece a disposición final primeira do Real Decreto Lei 9/2018, do 3 de agosto, de medidas urxentes para o desenvolvemento do Pacto de Estado contra a violencia de xénero, todo elo segundo establecen as disposicións transitorias primeira e segunda da Lei 27/13, de 27 de decembro, de racionalización e sostibilidade da Administración Local e o artigo 3 e disposición adicional cuarta da Lei 5/2014, de 27 de maio, de medidas urxentes derivadas da entrada en vigor da Lei 27/13, de 27 de decembro, de racionalización e sostibilidade da Administración Local; e a Lei 13/2008, de 3 de decembro, de servizos sociais de Galicia.

Poderíase citar:

- Lei orgánica 3/2007, do 22 de marzo, para a igualdade efectiva de mulleres e

Concello de Redondela





CONCELLO DE REDONDELA

homes (artigo 21)

- Lei 7/2023, do 30 de novembro, para a igualdade efectiva de mulleres e homes de Galicia (polo seu artigo 139)
- Lei Orgánica 1/2004, do 28 de decembro, de Medidas de Protección Integral contra a Violencia de Xénero.
- Lei 11/2007, do 27 de xullo, galega para a prevención e o tratamento integral da violencia de xénero (artigo 16, non é exactamente a administración local)
- Resolución do 11 de xullo de 2024, da Secretaría de Estado de Igualdad y para la Erradicación de la Violencia contra las Mujeres, de transferencias para o desenvolvemento de novas ou ampliadas competencias reservadas ás entidades locais no Pacto de Estado contra a Violencia de Xénero para o exercicio 2024.

Ademais, de conformidade co artigo 25.1 do mesmo texto legal, os Municipios, para a xestión dos seus intereses e no ámbito das súas competencias, poden promover toda clase de actividades e prestar cantos servizos públicos contribúan a satisfacer as necesidades e aspiracións da comunidade veciñal.

SEGUNDO.- Que a Asociación Érguete prevención e intervención en condutas aditivas, traballa para xerar oportunidades e prestar servizos a persoas e familiares afectadas por condutas aditivas, disruptivas ou de risco impulsando a súa inclusión e fomentando hábitos de vida saudables, tendo sempre en conta a perspectiva de xénero. Asemade conta con programas e con actividades específicas destinadas a fomentar e a educar en igualdade, achegando ao alumnado de educación infantil e primaria conceptos e ferramentas de sensibilización, implicación e actuación baseadas nunha verdadeira relación de igualdade entre nenos e nenas.

Que sendo os obxectivos sinalados de marcado interese público e social, é propósito de ámbalas dúas partes colaborar na súa consecución e no seu logro das mesmas polo que subscriben o presente convenio con arranxo aos seguintes

Concello de Redondela

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C





CONCELLO DE REDONDELA

## ANTECEDENTES

PRIMEIRO.- Que a Asociación Érguete prevención e intervención en condutas aditivas, presenta:

- a) Cumprimento dos requisitos do artigo 13 da Lei 38/2003, de 17 de novembro, Xeral de Subvencións.
- b) Certificados de estar ó corrente coas obrigas tributarias e coa Seguridade Social.
- c) Declaración responsable respecto a obriga contida no artigo 25 do Real Decreto 887/2006, de 21 de xullo, polo que se aproba o Regulamento da Lei 38/2003.
- d) Declaración responsable de non ter solicitada nin concedida ningunha outra axuda para a mesma finalidade, ou de telas, declaración de cada unha delas e que o importe xustificado supere o importe total das axudas concedidas e/ou solicitadas.

SEGUNDO.- A Asociación Érguete prevención e intervención en condutas aditivas, ven desenvolvendo ao longo destes anos actuacións relacionadas coa misión referida. Estas actividades van redundar en beneficio do alumnado de Redondela.

Debido ás características singulares e propias desta labor non é posible encadrar esta subvención dentro dun procedemento de concesión de subvencións de concorrencia.

En virtude do anteriormente exposto, a Asociación Érguete prevención e intervención en condutas aditivas, e o Concello de Redondela acordan subscribir un convenio de colaboración con base nas seguintes:

## CLÁUSULAS

PRIMEIRA.- Que a Asociación Érguete prevención e intervención en condutas aditivas, está interesada en recibir un patrocinio por parte do Concello de Redondela co obxecto de poder sufragar parte dos gastos que implica a prestación das actividades que realiza no seu ámbito de actuación. Patrocinio que se encadra dentro

Concello de Redondela

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C





CONCELLO DE REDONDELA

da xa extensa labor, dentro das súas posibilidades, que se realiza por parte do Concello no ámbito da prestación de servizos nos ámbitos educativo e da igualdade.

SEGUNDA.- Que o Concello de Redondela está interesado en fomentar os servizos de carácter local prestados por entidades de iniciativa social, e apoiar o desenvolvemento de programas dirixidos ao alumnado dos centros educativos do concello de Redondela para, todo elo dentro da competencia xenérica do Iltmo. Concello de Redondela para satisfacer todo tipo de necesidades veciñais que lles outorga o artigo 25.1 da Lei 7/85, de 2 de abril, Reguladora das Bases de Réxime Local.

TERCEIRA.- Tal como se establece no punto anterior, o Concello de Redondela está interesado na promoción dunha actividade de igualdade dirixida ao alumnado dos centros educativos de educación infantil e de primaria como complemento ao traballo que se realiza dende os centros educativos e como continuidade ás accións municipais no eido da igualdade e/ou prevención da violencia de xénero dirixidas ao alumnado redondelá. Deste xeito amósase o interese social polo que o Concello de Redondela decide asinar un convenio coa Asociación Érguete prevención e intervención en condutas aditivas.

Así, no Acordo aprobado polo Pleno do Concello de Redondela en data de 29 de febreiro de 2024 da aprobación definitiva das subvencións nominativas par ao exercicio 2024, publicado no Boletín Oficial da Provincia de Pontevedra núm. 69 do martes 9 de abril de 2024, recóllese a aplicación orzamentaria 2311A.4800015 para o outorgamento da subvención. Con posterioridade e por Resolución de Alcaldía de data 5 de abril de 2024, aprobouse outorgar unha subvención por importe de 10.500 € (DEZ MIL CINCOCENTOS EUROS) a cal se articulara, atendendo ás peculiaridades da actividade a fomentar, a través do presente convenio para o patrocinio e fomento dos fins de utilidade e interese social antes comentados e de competencia de ambas entidades.

CUARTA.- A Asociación Érguete prevención e intervención en condutas aditivas, comprométese a seguir realizando as actividades antes mencionadas, como ata agora o ven facendo e en concreto a:

Concello de Redondela

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C





CONCELLO DE REDONDELA

- a) Fomentar hábitos de vida saudables, xerar oportunidades e prestar servizo a persoas e familias afectadas por condutas adictivas, disruptivas e ou de risco, intervindo no ámbito xurídico, social, preventivo e educativo tendo sempre en conta a perspectiva de xénero.
- b) Informar e sensibilizar sobre a importancia e a necesidade de acadar a igualdade entre nenos e nenas, homes e mulleres, a través de actividades de autoñecemento, empatía, aprecio que reforcen a autoconfianza e autoafirmación traballando a comunicación e escoita activa.
- c) Promover o respecto á diversidade afectivo-sexual evitando a socialización diferenciada e desigual, a través da normalización de actitudes que en ocasións non identificamos como violentas ou inxustas.
- d) Recoñecer e alertar de certas actitudes temperás, sutís e cotiás non percibidas como sexistas ou violentas que atentan contra a autonomía persoal e perpetúan a desigualdade entre as nenas e os nenos.
- e) Trazar unha metodoloxía na que se propicie un traballo cooperativo e un reparto de roles afastados dos estereotipos, coidando a mirada de xénero a través de propostas, dinámicas, actividades e xogos complementarios.
- f)** Comprométese a facer constar na publicidade realizada por calquera medio que as actividades e servizos que realice contan coa colaboración do Concello de Redondela. Na publicidade impresa deberá constar o escudo e nome do Concello de Redondela. A Asociación Érguete comprométese a unha utilización respectuosa do nome e da imaxe do Concello de Redondela.
- g) Facer constar expresamente na documentación necesaria para a realización das actividades, nos materiais que se empreguen, na sinalización exterior dos lugares onde se executen aquelas e, en todo caso, nas actividades de difusión que se poidan desenvolver en relación coas actividades, que se financian con cargo aos créditos recibidos do Ministerio de Igualdad, Secretaría de Estado de Igualdad y para la Erradicación de la Violencia contra las Mujeres.

Concello de Redondela

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C





CONCELLO DE REDONDELA

Ademais de devandita indicación, deberase utilizar o logo do Ministerio de Igualdad, o logo do Pacto de Estado en materia de violencia de xénero e o logo do Concello de Redondela.

- h) Remisión, con carácter anual, dunha memoria de actividades e atencións realizadas.
- i) A presentar calquera outra documentación que lle sexa solicitada polo Concello, en relación co outorgamento da subvención.
- j) A facer un uso responsable das instalacións, medios ou recursos, que no seu caso, poña a súa disposición o Concello sen causar danos nos mesmos.

QUINTA.- Así mesmo comprométese a cumprir coas obrigas dos beneficiarios establecidas na lexislación aplicable que se recollen como anexo deste convenio e en especial a achegar facturas ou documentos substitutivos de facturas, orixinais ou debidamente compulsadas, polo menos, polo importe de 10.500€ (DEZ MIL CINCOCENTOS EUROS) co obxecto de verificar que a actividade se desenvolveu e que o importe concedido non supera o custe das actividades desenvolvidas. Así mesmo, a xustificación so se poderá referir a gastos realizados para sufragar o obxecto deste convenio e que foron efectivamente pagados este ano con anterioridade á xustificación da subvención, salvo nos casos dos pagamentos a conta. No caso de que ó finalizar o prazo para a xustificación, non se xustificara a totalidade da subvención procederase automaticamente á anulación da subvención polo non xustificado.

As facturas que se presenten para a xustificación deberán ser emitidas conforme ó establecido legalmente no Real Decreto 1619/2012, de 30 de novembro. En caso contrario, a factura non contará para a xustificación. Con carácter xeral, a xustificación terá unha relación directa coas actividades subvencionadas. Os gastos xustificadas non poderán ter o carácter de investimento. No caso de que se presenten copias das facturas, aparte de que estas deberán estar debidamente compulsadas, o beneficiario deberá presentar as facturas orixinais para que sexan seladas polo Concello onde se faga constar que a factura se utilizou para xustificar unha subvención.

Concello de Redondela

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C





CONCELLO DE REDONDELA

En caso de que a xustificación se realice mediante documentos substitutivos de facturas deberá poñerse de manifesto as razóns polas que non se pode xustificar o gasto con facturas. A apreciación deste feito será realizada polo órgano que aprobe a xustificación. En caso de que non este conforme coa xustificación requirirá á Asociación Érguete prevención e intervención en condutas aditivas o a que presente outra xustificación de acordo co establecido na lexislación pertinente.

A xustificación deberá incluír tamén unha conta xustificativa de conformidade co artigo 30.2 da Lei Xeral de Subvencións, artigo 28 da Lei de subvencións de Galicia, artigos 69, 72 e 75 do Regulamento da Lei de Subvencións e artigo 21 da Ordenanza Xeral de Subvencións do Concello de Redondela. A conta xustificativa incluírá os distintos conceptos e contías correspondentes aos gastos totais soportados pola entidade beneficiaria imputables á actuación subvencionada, coa seguinte relación: identificación do/da acredor/a, número de factura ou documento equivalente (nóminas ou seguros sociais a cargo da entidade), data de emisión, importe, concepto e data de pagamento. Este documento deberá ser asinado pola persoa representante da entidade beneficiaria.

Na xustificación do gasto mediante nóminas, estas deberán vir acompañadas dun certificado da/o Secretaria/o da Asociación no que se estableza cal é porcentaxe do importe da devandita(s) nómina(s) que se imputa(n) á xustificación. A xustificación de gastos salariais non serán admisibles se estes se refiren a persoal que se atope en situación de incapacidade temporal se esta supera o mes ou en ERTE.

Para o caso de xustificación de seguros sociais a cargo da entidade beneficiaria presentárase a relación nominal de persoas traballadoras e o recibo de liquidación de cotizacións dos meses que se presenten na xustificación da subvención e se non se deduce claramente da documentación, deberá constar certificado da/o secretaria/o no que se estableza a contía imputable á xustificación. Este importe deberá ser acorde coa cantidade imputada do salario da/o empregada/o.

Se a xustificación non alcanza a cantidade mínima necesaria para realizar o pago da cantidade concedida, esta se reducirá proporcionalmente á cantidade xustificada, procedendo automaticamente á anulación da subvención non xustificada .

Concello de Redondela

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C



Os libramentos dos fondos realizarase a medida que se vaia xustificando o gasto.

O prazo máximo para a xustificación será antes do 23 de decembro.

Así mesmo, coa xustificación da subvención da Asociación Érguete prevención e intervención en condutas aditivas deberá presentar:

1. Memoria da prestación do servizo que deberá recoller información sobre as actividades realizadas, persoas participantes, lugares de execución, reportaxe fotográfica (incluíndo as medidas de difusión) e calquera outra información que a entidade considere preciso.
2. Que as facturas se axustan á finalidade recollida no convenio.
3. Que non se atopa en ningún dos supostos establecidos no artigo 13 da LXS ou no artigo 10 da LSG que a inhabiliten para obter a condición de beneficiario da subvención.
4. Que se atopa ó corrente das súas obrigas tributarias co Concello de Redondela.
5. Certificado de atoparse ó corrente no cumprimento das súas obrigas tributarias e fronte a seguridade social.
6. Que non ten solicitada nin concedida outra axuda para a mesma finalidade, ou de telas, declaración das mesmas e que o importe xustificado supere o importe total das axudas concedidas e/ou solicitadas.
7. Unha certificación de atoparse ó corrente do cumprimento da obriga de reintegro de subvencións.
8. Unha declaración de que o custe do IVE que aparece nos documentos que presentan na xustificación non ten carácter de recuperable para a entidade





beneficiaria.

9. Que se cumpriron as obrigas recollidas na cláusula cuarta, especialmente a referida á publicidade e financiamento das actividades.

10. O gasto total que tivo que asumir a entidade beneficiaria.

Previamente á aprobación do gasto, a área de Igualdade procederá á valoración de se, coa xustificación presentada pola Asociación Érguete prevención e intervención en condutas aditivas se cumpre coa finalidade da subvención.

Por último a Asociación Érguete prevención e intervención en condutas aditivas comprométese a non participar na concesión de subvencións que podería outorgar o Ilmo. Concello de Redondela conforme as Bases de subvencións aprobadas no seu día pola Alcaldía ou órgano competente mentres dure a vixencia deste convenio pola mesma actividade que se recolle neste documento.

SEXTA.- O Concello de Redondela responsabilízase de:

- Tramitar a xustificación que presenten no seu momento a Asociación Érguete prevención e intervención en condutas aditivas.
- Colaborar para a boa execución deste convenio.
- Asumir unicamente o compromiso económico que se recolle na cláusula terceira, imputándose ó exercicio orzamentario do ano 2024.

Debido ás características deste convenio, non é necesario establecer consecuencias no caso de incumprimento dos compromisos asumidos por cada parte, mais alá de que exista algún desperfecto nas instalacións, medios ou recursos, que no seu caso, puxera a súa disposición o Concello.

SÉTIMA.- A Asociación Érguete prevención e intervención en condutas aditivas é a única responsable de cantos danos, tantos físicos coma materiais, poidan ocasionarse

Concello de Redondela

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C





CONCELLO DE REDONDELA

ó Concello de Redondela e sexan consecuencia directa ou indirecta do uso ou actividade desenvolvida na realización da(s) actuación(s) pola que se concede esta subvención, quedando exento de toda responsabilidade o Concello.

Así mesmo, a Asociación Érguete prevención e intervención en condutas aditivas asume a responsabilidade civil derivada da realización da(s) actuación(s), polo que o Concello de Redondela quedará exento de toda responsabilidade.

Igualmente, o Concello de Redondela quedará exento de toda responsabilidade derivada de actos do persoal dependente da devandita entidade e de calquera persoa con quen esta se relacione.

Se o Concello fora condenado como responsable civil en procedemento civil ou penal, repercutirá a contía total á que ascende o fallo da sentenza á Asociación Érguete prevención e intervención en condutas aditivas.

OITAVA.- Declárase a compatibilidade con outras subvencións, axudas, ingresos ou recursos para a mesma finalidade, procedentes de calquera Administración ou ente público ou privado, nacional, da Unión Europea ou de organismos internacionais., salvo as outorgadas polo Concello. A sinatura do presente convenio suporá o recoñecemento por parte da persoa que ostenta a representación da Asociación Érguete prevención e intervención en condutas aditivas de que o importe total das subvencións obtidas, incluída á que se refire este convenio, das diferentes Administracións Públicas, non supere o custe das actividade a desenvolver polo beneficiario.

Por outro lado, a Asociación Érguete prevención e intervención en condutas aditivas renuncia a participar de calquera outra axuda do Concello de Redondela aprobada dentro do ano 2024, con independencia do estado da súa tramitación.

NOVENA.- O corpo normativo aplicable estará formado por:

- A Lei 38/2003, de 17 de novembro, Xeral de Subvencións.

Concello de Redondela

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C



- A Lei 40/2015, de 1 de outubro, de Réxime Xurídico do Sector Público.
- A Lei 9/2007, de 25 de xuño, de subvencións de Galicia.
- O Real Decreto 887/2006, de 21 de xullo, polo que se aproba o Regulamento da Lei 38/2003.
- A Ordenanza Xeral de subvencións do Concello de Redondela.
- As Bases de Execución do Orzamento do Itmo. Concello de Redondela.
- Con carácter supletorio o Dereito Administrativo.

DÉCIMA.- A Asociación Érguete prevención e intervención en condutas aditivas queda expresamente comprometida e coñece todo o establecido nos Títulos II, III e IV da Lei 38/2003, de 17 de novembro, Xeral de Subvencións referidas ó reintegro de subvencións, control financeiro de subvencións e infraccións administrativas en materia de subvencións.

UNDÉCIMA.- Este Convenio ten carácter administrativo e a xurisdición contencioso-administrativa será a competente para o coñecemento das posibles cuestións litixiosas que puidesen xurdir como consecuencia deste. Corresponderá á Alcaldesa de Redondela a interpretación, modificación e resolución do convenio. As posibles modificacións realizaranse a proposta do Concello de Redondela e sempre e cando conte con informes favorables. Para o cumprimento da letra f) do artigo 49 da Lei 40/2015, de 1 de outubro, de Réxime Xurídico do Sector Público, establécese a existencia dunha comisión paritaria na que a actuación do Concello deberá contar con informes favorables. O período de vixencia deste convenio finalizará coa aprobación da xustificación.

DUODÉCIMA.- Con respecto aos datos de carácter persoal que puideran derivarse da





CONCELLO DE REDONDELA

execución do presente convenio, as partes asinantes quedan expresamente obrigadas ao cumprimento da Lei Orgánica 3/2018, de 5 de decembro, de Protección de Datos Persoais e Garantía dos Dereitos Dixitais e a súa normativa de desenvolvemento e ao Regulamento (UE) 2016/679 do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación de estes datos e polo que se derroga a Directiva 95/46/CE (Regulamento xeral de protección de datos), así como das disposicións en materia de Protección de Datos que se atopen vixentes durante o período de vixencia do convenio.

Os datos persoais non serán comunicados a un terceiro, a non ser que deban facilitarse en cumprimento dunha obrigaón legal.

Os datos serán conservados o tempo necesario para poder levar a cabo o rexistro e as accións para as que se lle solicitaron.

O responsable do tratamento dos datos será o Concello de Redondela, podendo a Asociación Érguete prevención e intervención en condutas aditivas exercer os dereitos de acceso, rectificación, cancelación e oposición ante o Concello de Redondela.

Así mesmo, de conformidade co establecido na letra d) do apartado 2 do artigo 15 da Lei 9/2007, do 13 de xuño, de Subvencións de Galicia, os interesados poderán facer constar na súa solicitude o seu dereito a que non se fagan públicos os seus datos cando a publicación dos datos do beneficiario en razón do obxecto da subvención poida ser contraria ao respecto e salvagarda do honor e á intimidade persoal e familiar das persoas físicas en virtude do establecido na Lei orgánica 1/1982, do 5 de maio, de Protección civil do dereito ao honor, á intimidade persoal e familiar e á propia imaxe, e sexa previsto na súa normativa reguladora.

Conforme co mesmo o firman as persoas e no lugar e data arriba sinalados por triplicado exemplar.

A Alcadesa  
do Concello de Redondela

A representante da  
Asociación Érguete

Asdo.: Digna Rosa Rivas Gómez

Asdo.: Carmen Avendaño Otero

Concello de Redondela

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C



## **Anexo ó convenio no que se recollen as obrigas do beneficiario desta subvención**

1. Cumprir o obxectivo, realizar a actividade ou adoptar o comportamento que fundamenta a concesión das subvencións de acordo coa memoria presentada.

2. Xustificar ante o Concello de Redondela, o cumprimento dos requisitos e condicións, así coma a realización da actividade e o cumprimento da finalidade pola que se concedeu a subvención.

3. Someterse ás actuacións de comprobación e control financeiro que poidan realizar os órganos de control competentes, achegando tanta información lle sexa requirida no exercicio das actuacións anteriores.

4. Comunicar ó Concello de Redondela a obtención doutras subvencións, axudas, ingresos ou recursos para a mesma finalidade. Esta comunicación deberá efectuarse tan pronto coma se coñeza.

5. Acreditar que está ó corrente no cumprimento das súas obrigas tributarias e fronte á Seguridade Social, na forma que se determine regulamentariamente.

6. Dispor dos libros, rexistros e/o documentos debidamente cumprimentados de acordo coa normativa aplicable ó beneficiario ou perceptor, coa finalidade de garantir o adecuado exercicio das facultades de comprobación e control.

7. Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

8. Facer constar expresamente na documentación necesaria para a realización das actividades, nos materiais que se empreguen, na sinalización exterior dos lugares onde se executen aquelas e, en todo caso, nas actividades de difusión que se poidan desenvolver en relación coas actividades, que se financian con cargo aos créditos recibidos do Ministerio de Igualdade, Secretaría de Estado de Igualdade y para la





CONCELLO DE REDONDELA

## Erradicación de la Violencia contra las Mujeres.

Ademais de devandita indicación, deberase utilizar o logo do Ministerio de Igualdad, o logo do Pacto de Estado en materia de violencia de xénero e o logo do Concello de Redondela.

9. Proceder ó reintegro dos fondos percibidos nos supostos contemplados no artigo 37 da Lei 38/2003, de 17 de novembro, Xeral de Subvencións.

10. Con carácter xeral, deberán desenvolver a actividade subvencionada no termo municipal de Redondela.

11. As persoas xurídicas deberán estar validamente constituídas e rexistradas.

Polo que se refire á xustificación dos gastos é unha das obrigas de todo beneficiario co Concello de Redondela. Con carácter xeral, a xustificación realizarase mediante facturas orixinais ou compulsadas directamente relacionadas co obxecto da subvención, e no seu caso, correspondentes ó período para o que foi concedida. As facturas deberán conter os seguintes datos:

a) Emisión á persoa ou entidade beneficiaria, con especificación do seu N.I.F. ou C.I.F., domicilio fiscal, localidade e código postal e o Departamento ou Servizo destinatario da prestación.

b) Identificación completa do provedor ou contratista, especificación polo menos, en todo caso, a súa denominación, N.I.F. ou C.I.F., domicilio fiscal, localidade e código postal.

c) Número de factura.

d) Lugar e data de emisión da factura.

e) Descrición suficiente do subministro realizado ou do servizo prestado, con detalle das unidades obxecto do servizo ou subministro, cantidade e prezos unitarios

Concello de Redondela

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C





CONCELLO DE REDONDELA

de cada unha delas, contraprestación total, tipo tributario e cota do Imposto sobre o Valor Engadido.

f) Período que corresponda.

A xustificación deberá incluír tamén unha conta xustificativa de conformidade co artigo 30.2 da Lei Xeral de Subvencións, artigo 28 da Lei de subvencións de Galicia, artigos 69, 72 e 75 do Regulamento da Lei de Subvencións e artigo 21 da Ordenanza Xeral de Subvencións do Concello de Redondela. A conta xustificativa incluírá os distintos conceptos e contías correspondentes aos gastos totais soportados pola entidade beneficiaria imputables á actuación subvencionada, coa seguinte relación: identificación do/da acredor/a, número de factura ou documento equivalente (nóminas ou seguros sociais a cargo da entidade), data de emisión, importe, concepto e data de pagamento. Este documento deberá ser asinado pola persoa representante da entidade beneficiaria.

No caso de xustificar o gasto mediante nóminas, estas deberán vir acompañadas dun certificado da/o secretaria/o da entidade beneficiaria no que se estableza cal é a porcentaxe do importe da devandita nómina ou seguro social que se imputa á xustificación. A xustificación de gastos salariais non serán admisibles se estes se refiren a persoal que se atope en situación de incapacidade temporal se esta supera o mes ou en ERTE.

Para o caso de xustificación de seguros sociais a cargo da entidade beneficiaria presentárase a relación nominal de persoas traballadoras e o recibo de liquidación de cotizacións dos meses que se presenten na xustificación da subvención e se non se deduce claramente da documentación, deberá constar certificado da/o secretaria/o no que se estableza a contía imputable á xustificación. Este importe deberá ser acorde coa cantidade imputada do salario da/o empregada/o.

**Concello de Redondela**

Rúa Alfonso XII, 2 36.800 Redondela (Pontevedra) Tif. 986 400 300 Fax: 986 403 894 CIF: P3604500C

